

Nakon provedene procedure konkurentskog zahtjeva za dostavu ponuda, na način i po postupku predviđenom odredbama Zakona o javnim nabavkama BiH, zaključuje se

U G O V O R **O NABAVCI USLUGA OSIGURANJA**

između:

JAVNE USTANOVE "APOTEKE SARAJEVO", Sarajevo, Kranjčevićeva 29, ID:4200280090003, koju zastupa generalni direktor Nedim Hrelja, mr.ph. MBA (u daljem tekstu Osiguranik)

i
UNIQA OSIGURANJE D.D. SARAJEVO, Sarajevo, Obala Kulina bana 19, ID:4100137020002, koju zastupa Senada Olević, direktor (u daljem tekstu Osiguravač)

Predmet i cijena

Član 1.

Predmet ovog ugovora je uredna nabavka usluga osiguranja i to:

- osiguranje imovine
- osiguranje motornih vozila (autoodgovornost, zeleni karton, automobilska asistencija i kasko osiguranje vozila sa uključenim rizikom krađe)
- kolektivno kombinovano osiguranje zaposlenika.

Osiguravač će Osiguraniku navedene usluge osiguranja pružati u periodu od 16.10.2020. do 15.10.2021. godine, u skladu sa ponudom broj:20200907-0016-000046 od 07.09.2020. godine, koja je sastavnim dijelom ovog ugovora.

Cijena usluge iznosi 28.774,97 KM.

Član 2.

Osiguravač se obavezuje ispostaviti police osiguranja za svaki vid osiguranja koji je prihvaćen od strane Osiguranika, a po Ponudi Osiguravača broj broj:20200907-0016-000046 od 07.09.2020. godine.

Plaćanje premije

Član 3.

Osiguranik se obavezuje vršiti plaćanje premije za ugovorena osiguranja po ispostavljenim fakturama od strane Osiguravača.

Osiguravač je obavezan na fakturi naznačiti broj ugovora i datum ugovora na osnovu kojeg se faktura ispostavlja.

Prijavljivanje šteta

Član 4.

Kad nastane osigurani slučaj na osnovu kojega se traži naknada iz osiguranja, Osiguranik je dužan postupiti po uslovima za osiguranje.

Isplata naknade

Član 5.

1. Kad se dogodi osigurani slučaj, Osiguravač je dužan isplatiti naknadu u ugovorenom roku, koji ne može biti duži od 14 (četrnaest) dana, računajući od dana kada je Osiguravač dobio obavijest da se osigurani slučaj dogodio. Ako je za utvrđivanje postojanja Osiguravčeve obaveze, ili njezina iznosa, potrebno izvjesno vrijeme, taj rok počinje teći od dana kada je utvrđeno postojanje njegove obaveze i visina odštete.

2. Ako iznos Osiguravčeve obaveze ne bude utvrđen u roku određenom u stavu 1. ovog člana, Osiguravač je dužan, na zahtjev ovlaštene osobe Osiguranika, isplatiti iznos nespornog dijela svoje obaveze na teret predujma.

Član 6.

Uslovi osiguranja po kojima je zaključen ovaj Ugovor biti će sastavni dio ugovora i Osiguravač je obavezan Osiguraniku, pri zaključenju ugovora, uručiti Uslove osiguranja, po kojima je Ugovor o osiguranju zaključen.

Član 7.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 8.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Općinski sud u Sarajevu.

Član 9.

Ovaj ugovor je sačinjen u 4 (četiri) istovjetna primjerka od kojih po dva primjerka zadržava svaka ugovorna strane.

JU „Apotheke Sarajevo“
Nedim Hrelja, mr.ph. MBA
Generalni direktor

UNIQA OSIGURANJE D.D. SARAJEVO
Senada Olević
Direktor

Broj: 01-03-2981/20

Sarajevo, 13.10.2020. g.